



Kommunalbestyrelsi 28. september 2018 nal. 10.00

Kommune Qeqertalik
Kommunalbestyrelsi

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S
Sandgreen, Enok	S
Mølgaard, Timooq	S
Jeremiassen, Otto	S
Jeremiassen, Nikkulaat	S
Broberg, Kristian	S
Kristensen, Naja	A

Ataatsimiinnermi aqutsisoq:	Ane Hansen, IA
Allatsi:	Alida C. Rafaelsen
Ataatsimiinneq:	Oqarasuaatikkut

Ullormut oqaluuserisassat

18-028	Kommune Qeqertalimmi meeqqanut inuusuttuaqqanullu siunnersuisoqatigiinnik pilersitsinissamik siunnersuut.	3
18-029	Pinartumik Pisoqartillugu pigasuartumik iliuuseqarnissamut akuersigasuarneq. Ataatsimiititaliap INUIT-ip Siulittaasuata aalajangiigallarsinnaanera.....	5
18-030	Kommune Qeqertalimmi oqartussa qarfiit assigiingitsunik suliallit Isumaginninnermi suliassat pillugit suleqatigiinnissaannut ileqqoreqqussatut siunnersuutip apassaaneerluni Ataatsimiitsitaliaq INUIT-mut akuerisassanngorlugu saqqummiunneqarnera.....	7
18-031	Aasianni bussinik ingerlatsineq.....	9
18-032	Aasianni ikuallaaviup pittanngorsarneqarnissaa.....	10
18-033	Sanaartukkat ingerlareertut aningaasartaasa akuersissutingineqarneri.....	12
18-034	Kommune Qeqertalik-mi inissiaatileqatigiiffik.....	14
18-035	Inigisamut akiliut.....	16
18-036	Najukkami ataatsimiititaliat.....	17
18-037	Domsmand-inik toqqaaneq Eqqartuussisoqarfik Qaasuitsup 2018-2021.....	20
18-038	Imigassallernissamik qinnuteqaat.....	21
	ILISIMATITSISSUTIT	22
	ATAATSIMIINNEQ NAAVOQ	25
	ATSIORFISSAQ	25

Eqqartugaq	Ullormut oqaluuserisassat akuersissutiginerarat
-------------------	--

Ullormut oqaluuserisassanut allattoqarfiup oqaaseqaatai:

Soqanngilaq

Aalajangerneq:

--

Sag nr.	18-028	Bilag nr.		Journal nr.	42.00
Oqaluuserisag	Kommune Qeqertalimmi meeqqanut inuusuttuaqqanullu siunnersuisoqatigiinnik pilersitsinissamik siunnersuut. Siunnersuuteqartoq INUIT-imi ilaasorta q Niels Kristensen, IA.				

UTEQQIINEQ:

Kommune Qeqertalimmi meeqqanut inuusuttuaqqanullu siunnersuisoqatigiinnik pilersitsinissamik siunnersuut Niels Kristensen-ip ulloq 25. Januar 2018 nassiussimavaa. Ataatsimiititaliap INUIT-ip ulloq 9. Januar 2018 ataatsimiinnermi nr. 10/18-mi meeqqanut inuusuttunut, utoqqarnut aammalu innarluutilinnut politikiliornissaq aammalu siunnersuisoqatigiiliornissaq pillugit, Ataatsimiititaliap INUIT-ip siulittaasua Aqqa Samuelsen-ip siunnersuutaa oqaluuserineqarpoq. Ataatsimiiinnermilu aalajangiunneqarpoq suliassat kinguartinneqassasut. Kinguartitsinermut peqqutaavoq susassaqrarfiit assigiinngitsut aammalu susassaqaqatigiit attuumassuteqartut peqatigalugit politikiliornissaq ingerlanneqassammat.

SULIAP SAQQUMMIUNNERA:

Ataatsimiititaliap INUIT-imi ilaasortap Niels Kristensen-ip siunnersuutaa:
Kommune Qeqertalimmi meeqqanut inuusuttuaqqanullu siunnersuisoqatigiinnik pilersitsinissa-mik siunnersuut .

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisissaatut siunnersuut nr. 16, 3. December 2012-meersoq.

§ 5-mi imm. 3-mi 1) innersuullugu Kommunalbestyrelsep akisussaaffigaa Meeqqanut Inuusuttunullu **politikiliornissaq.**

Tamat oqartussaaqataa nerat eqqarsaatigalugu pissusissamisoorpoq kommune-p politik-kiliornerani innuttaasunik attuumassuteqartunik sapinngisamik tamanik peqataatitsinissaq, tamannalu pingaartinneqassooq ujarorneqassallunilu.

Tamanna tunngavigalugu matumuuna Kommune Qeqertalik-mi Meeqqanut Inuusuttunullu siunnersuisoqatigiinnik pilersitsinissaq siunnersuutigaara. Siunnersuisoqatigiit suliassaa siulleq tassaasariqarpoq politikimik kommunalbestyrelse-mut oqaluuserisassanngorlugu suliqaarneq. Aqutsisoqarfik INUA, siunnersuisoqatigiit pilersinnissaannut politikimillu kommunalbestyrelse-mut oqaluuserisassanngortitsinissaannut suliannut ataqatigiissaarisuunissaa kiisalu allattoqarnikkut piginnaatinneqassasoq matumuuna ilanngullugu qulakkeerneqassooq.

Ilanngullugu erseqqissaatigissuara Qaasuitsup Kommuniani Meeqqanut Inuusuttunullu politikki isumassarsiorfigineqarsinnaammat.

Meqqat Inuusuttullu pillugit Kommunitsinni unamminartunik suliassaqarpugut, taamaattumik pingaaruteqartoq Kommunalbestyrelse-p suliassanut akisussaasutut politikkeqarnissaa. Taa-maalilluni Kommunalbestyrelsi, pisortatigut suliat ingerlanerini tunaartassanik ersarissunik tunngaviliissagaluarpog.

INATSIT TOQQAMMAVIGINEQARTOQ:

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaatut siunnersuut nr. 16, 3. december 2012-meersoq § 5-mi imm. 3-mi 1).

ANINGAASATIGUT KINGUNISSAI:

Soqanngilaq

ATAATSIMIITITALIAQ INUIT AALAJANGERNERA

Inassuteqaat akuersissutigineqarpoq. Kommunalbestyrelsemut taperserlugu ingerlateqqinneqassaaq. Ilanngullugu kaammattuutigineqassaaq utoqqaat innarluutillit allalu pillugit politikiliornissamik isumaqatigiissutaareersut ingerlateqqullugit.

ATAATSIMIITITALIAQ INUA-ATA AALAJANGERNERA

Inassuteqaat akuerineqarpoq.

KOMMUNALBESTYRELSIMUT INASSUTEQAAT:

Ataatsimiititaliat INUIT aamma INUA inassuteqaat akuerisaat, kommunalbestyrelsimut akuerisassanngorlugu inassuteqaatigineqarpoq:

- Inassutigineqarpoq Meeqqanut Inuusuttunullu siunnersuisoqatigiinnik pilersitsisoqarnissaa. Siunnersuisoqatigiit suliaassaa siulleq tassaasariaqarpoq politikkimik kommunalbestyrelse-mut oqaluuserisassanngorlugu suliaqarneq.

ILANNGUSSAT:

- 28-01 Niels Kristensen-ip allagaa siunnersuut

AALAJANGERNEQ:

Sag nr.	18-029	Bilag nr.		Journal nr.	40.00
Oqaluuserisaq	Pinartumik Pisoqartillugu pigasuartumik iliuseqarnissamut akuersigasuarneq. Ataatsimiititaliap INUIT-ip Siulittaasuata aalajangiigallarsinnaanera.				

EQIKKAANEQ:

Inunnik Isumaginninnerup iluani, pisariaqalertarpoq pinartumik pisoqartsillugu pigasuartu-mik iliuseqarnissamut akuersigasuartussamik saaffissaqarnissaq. Akuersigasuarneq atuutissaaq, ulloq akuersigasuarfik aallarnerfigalugu, tamatumalu kingorna qaammatit marluk. Inatsit tunngavigineqartoq tassaavoq, Kommunalbestyrelsip pisinnaatitaaffii, Aaliangiisin-naanermut pisinnaatitaaffik.

SULIAP SAQQUMMIUNNEQARNERA:

Ataatsimiitsitaliap INUIT Siulittaasua immikkut ittumik akuersigasuassappat, meeqqat 18-nit inorlugit ukiulinnut angerlarsimaffimmi pissutsit ima atoruminaatsigissapput, meeqqamut timikkut tarnikkullu pissutsit atukkat illersorneqarsinnaanatik.

Meeqqanut angerlarsimaffiup avataanut akuersititseqqaarnani pigasuartumik inissiigallarneq angajoqqaatut oqartussaassuilimmu imaluunniit meeqqamik isumaginnittuusumut sapinngisamik akunnerit 24-it qaangiutsinnagit nalunaarutigineqassaaq.

Angerlarsimaffiup avataanut inissiinermi aalajangerneq akuersinermik akuersinertaqan-ngitsumilluunniit pisimappat, aalajangiisoqarnerata kingorna ullut arfineq-pingasut qaa-ngiutsinnagit Naalakkersuisunut nalunaarutigineqassaaq.

ANINGAASATIGUT KINGUNISSAI:

Isumaginninnermi ikiorsiissutit tunniunneqartartut pillugit kaajallaasitamut nr. 288-imut 1. juli 2018 atuuttussaq.

Nalinginnaasumik ilaqtariinnut paarsisartunut paaqqinninersiutit, § 11. Meeqqat taperser-sorneqarnissaannut Inatsisartut inatsisaat nr. 20, 26. Juni 2017-imeersumi §§ 25 aamma 37 aammalu Ilaqtariit paarsisartut pillugit Namminersorlutik Oqartussat nalunaarutaat nr. 17, 8. Novembari 2017-imeersumi §§ 21 aamma 22 naapertorlugit akissarsiaritineqartut il.il. aalajangersarneqarput.

Naliginnaasumik paarsinersiutit qaammammut kr. 5.028,00

Immikkut ittumik piumasaqaateqartoqarneratigut ilaqtariinnut paarsalinnut perorsaanikkut isumassuinikkullu immikkut piumasaqaateqarfiusutigut paarsaqarnermi akissarsiat 50 %-imik imaluunniit 100 %-imik qaffanneqarsinnaapput.

Pilertortumik inissiineq ulloq unnuarlu kr. 478

Pilertortumik inissiinnermut meeqqamut pineqartumut annerpaamik ullunut 30-inut akissarsia-qartitsisoqarsinnaavoq; tamatuma kingorna nalinginnaasumik akissarsiaqartitsisoqassalluni.

INATSISITIGUT TUNNGAVIUSOQ:

Meeqqat taperserorneqarnissaannut Inatsisartut inatsisaat nr. 20, 26. Juni 2017-imeersaq, § 6. Nukiginnartumik meeqqamik inissiinamik aalajangiinissaq, meeqqat pinartumik pisariaqartitsinera pissutigalugu kommunalbestyrelsemit suliarineqarnissaa utaqqinneqarsinnaangippat, aalajangiingallarneq kommunimi meeqqanik sulianik ingerlatsinermut oqartussaasoqarfimmi pisinnaavoq.

Imm. 2. Imm. 1 malillugu ikiorsiinnermik aalajangigaq unereersimassagaluarpuunniit kommunalbestyrelsip ataatsimiinnerani tullermi ilisimatitsissutigineqassaaq.

Aamma:

Angajoqqaatut oqartussaassuilimmik akuersititsinani inissiineq

§ 28. Kommunalbestyrelsip angajoqqaatut oqartussaassuilik meerarlunniit akuersiteqqaarnagit meeqqap angerlarsimaffiup avataanut inissineqarnissaa aalajangissavaa, meeqqap peroriartorneranut, peqqissusianut ineriartorneranullunniit ilungersunartumik ajoquserneqarnissaa aarlerinarluinnarpat makku pissutigalugit:

- 1) meeqqamut amigartumik isumassuisoqarpat isumassuisoqanngippallunniit,
- 2) timikkut tarnikkullunniit persuttaaneqarsimappat, paarsinerluttoqarsimappat kinguaassiutitigullunniit innarliisoqarsimappat,
- 3) meeqqami imaluunniit meeqqap qanigisaanik atornerluinermik ajornartorsiuteqartoqarpat, pinerlunniartartoqarpat allatigullunniit inuuniarnikkut annertuunik ajornartorsiuteqartoqarpat, imaluunniit
- 4) meeqqami meeqqallunniit qanigisaanik pissutsikkut naleqqussarnissamut allatigullunniit ajornartorsiuteqartoqarpat,

Imm. 2. Imm. 1 malillugu taamaallaat aalajangiisoqarsinnaavoq, ajornartorsiutit meeqqap angerlarsimaffimmi najugaqaannarneratigut aaqinneqarsinnaanngitsut kommunalbestyrelsip tunngavissalimmik ilimagippagu.

§ 28 malillugu kommunalbestyrelsip angerlarsimaffiup avataanut akuersitiseqqaarnani inissiinermik akuersissuteqarneq angajoqqaatut oqartussaassuilimmut imaluunniit meeqqamik isumaginnittuusumut sapinngisamik akunnerit 24-t qaangiutsinnagit nalunaarutigisimassavaa. Nalunaarut inissiinermik aalajangiisoqarnerata sumik tunngaveqarneranik imaqassaaq kiisalu naammagittaalliorsinnaanermut ilitsersuut.

Imm. 2. Angerlarsimaffiup avataanut inissiinermik aalajangerneq akuersinermik akuersinertaqanngitsumillunniit pisimappat, aalajangiisoqarnerata kingorna ullut arfineq-pingasut qaangiutsinnagit Naalakkersuisunut nalunaarutigineqassaaq.

§ 29. § 28 malillugu kommunalbestyrelsip angerlarsimaffiup avataanut akuersitiseqqaarnani inissiinermik akuersissuteqarneq angajoqqaatut oqartussaassuilimmut imaluunniit meeqqamik isumaginnittuusumut sapinngisamik akunnerit 24-t qaangiutsinnagit nalunaarutigisimassavaa. Nalunaarut inissiinermik aalajangiisoqarnerata sumik tunngaveqarneranik imaqassaaq kiisalu naammagittaalliorsinnaanermut ilitsersuut.

Imm. 2. Angerlarsimaffiup avataanut inissiinermik aalajangerneq akuersinermik akuersinertaqanngitsumillunniit pisimappat, aalajangiisoqarnerata kingorna ullut arfineq-pingasut qaangiutsinnagit Naalakkersuisunut nalunaarutigineqassaaq.

INASSUTEQAAT:

Ataatsimiititaliap INUIT aamma INUA-ata Kommunalbestyrelsimut inassuteqaatingaa:

- Ataatsimiititaliap INUIT siulittaasuata inissiigasuarnermi akuersinissamut pisinnaatitaaffimmik tunineqarnissasoq.

ILANNGUSSAT:

- Ilanngussaq 29-01: Meeqqat tapersorsorneqarnissaannut Inatsisartut inatsisaat nr. 20, 26. Juni 2017-imeersoq, Kap. 2, aamma § 6. Imm. 2. Aamma 28, stk.2. aammalu § 29.
- Ilanngussaq 29-02: Isumaginninnermi ikiorsiissutit tunniunneqartartut pillugit kaajallaasitaq 1. juli 2018 aallarnerfigalugu atuuttusaaq. Nalinginnaasumik ilaqutariinnut paarsisartunut paaqqinninneriutit § 11.

AALAJANGERNEQ:

Suliap normua	18-030	Ilanng. nr.		Journal nr.	40.06
Oqaluuserisag	Kommune Qeqertalimmi oqartussa qarfiit assigiingitsunik suliallit Isumaginninnermi suliassat pillugit suleqatigiinnissaannut ileqqoreqqussatut siunnersuutip apassaaneerluni Ataatsimiitsitaliaq INUIT-mut akuerisassanngorlugu saqqummiunneqarnera				

EQIKKAANEQ:

Kommune Qeqertalik-mi Isumaginninnermi suliassatigut suliaraqfiit akimorlugit suleqatigiinnissamut ileqqoreqqusap, ulloq 28. december 2017-mi overgangsudvalg-imi akuerisap Namminersorlutik Oqartussat, Inatsisunik atortitsinermut pisortaqarfimmiik aqqissuuneqareerluni, Ataatsimiititaliap INUIT –mut aapassaannik akuerisassanngorlugu ingerlateqqitaq.

SULIAP SAQQUMMIUNNEQARNERA:

Ataatsimiititaliap INUIT ilassutissaqarluni, aqqiisuteqarluni imaluunniit suliaq taammaatillugu akuersereerpat, suliaq Namminersorlutik Oqartussanut, Inatsisunik atortitsinermut Naalackersuisoqarfimmut uterteqqinneqassooq, oqaasertai suliareqqissaarneqassalluni. Tassaniit utertinneqareerpat akuerineqarnissaannut Kommunalbestyrelsip ataatsimiineranut innersuusutigineqassooq. Akuersissut Borgmester-ip atsiornera ilanngullugu ingerlateqqinneqassooq Isumaginninnermut Naalackersuisumut atsiugassanngorlugu.

Kommune Qeqertalimmi, ileqqoreqqusatut siunnersuut:

§ 1. Oqartussaas qarfiit assigiingitsunik suliallit isumaginninnermi suliassat pillugit suleqatigiinnissaannut inatsisartut peqqussutaat nr. 14, 1. november 1982-meersoq naapertorlugu Kommune Qeqertalik-mmi oqartussa qarfiit assigiingitsunik suliallit isumaginninnermi suliassat pillugit suleqatigiinnissaannut ileqqoreqqusami malittarisassat aalajangersarneqarput.

§ 2. Inatsisartut peqqussutaat qulaani taaneqartoq aallaavigalugu ataavartumik eqimattat attaveqarfigineqartartussat pilersinneqassapput, ima inuttaqartinneqarlutik:

- a) isumaginnittoqarfimmit ilaasortat marluk sinniisut.
- b) atuarfimmit ilaasortaq ataaseq sinniisoq.
- c) peqqinnissaqarfimmit ilaasortaq ataaseq marluluunniit sinniisoq/-sut.

§ 3. Kommune Qeqertalik-mmi illoqarfiiit nunaqarfittatik ilanngullugit tamarmik immikkut oqartussa qarfiit assigiingitsunik suliallit suleqatigiissitaannik pilersitsissapput.

§ 4. Oqartussa qarfiit assigiingitsunik suliallit suleqatigiissitaata oqartussat meeqqat inuusuttut, innarluutillit inuillu inuunerminni inuussutissarsiornerminnilu ajornartorsiortut suliassartaannik sularinnittarnissap qulakkeerneqarnissaa siunertaavoq, taamaalilluni paasissutissat isumassarsiallu avitseqatigiissutigisarlugit sapinngisamik pitsaanerpaamik aalajangernissaminnut tunngavissaqarsinnaalissapput kiisalu oqartussa qarfiit ataasiakkaat suliniutai ataqatigiissarsinnaassallugit.

§ 5. Eqimattap politiit, pinerluuteqarsimasunik isumaginnittoqarfik, suliffissarsiuussisarfik kiisalu paaqqinnittarfiit eqimattap sulianik ataasiakkaanik imaluunniit sulianik arlalinnik suliaraqarluni ataatsimiinnerini sinniisuutitaqarlutik peqataatitaqarnissaannut aggersarsinnaavai.

Imk. 2. Suliffissarsiuussisarfiup suleqatigisartagai imaluunniit suliffeqarfinit ataasiakkaani sinniisuutit immikkut ittumik pisuni aggersarneqarsinnaapput, suliap sularineranut pingaaruteqartut tamanna isigineqarpat, taamaattorli sinniisuutit aggersarneqartut Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersumi § 27 imk. 3-mi nipangiussisussaataaannissaminnik piumaffigineqassapput.

§ 6. Najukkami isumaginninnermut immikkoortortaqarfimmi sullissisooqatigiit pisortaa suleqatigiinnik pilersinneqartunut allatsit atorneqassaaq, eqimattap ataatsimiinnissai sioqqullugit eqimattami ilaasortat allakkatigut nassinneqartarnissaat tamatumunnga siunertaavoq aamma ataatsimiinnerit imaqarniliorfigineqartarnissaat siunertaalluni. Imaqarniliat allanneqartassapput suliallu ataasiakkaat sularineqartarneri naatumik nassuiaasorsorneqartassallutik.

Imk. 2. Eqimattamut siulittaasoq kommunip ingerlanneqarneranut ingerlatsivimmeersunit / isumaginittotoqarfimmeersut sinniisuutitaannit toqparneqartassaaq.

Imk. 3. Ataatsimiinnissat sioqqullugit tamatigut ullormut oqaluuserisassat suliarineqartassapput. Eqimattami ilaasortat tamarmik ullormut oqaluuserisassani suliaq ilanngukkusullugu piumasaqarsinnaatitaapput. Ullormut oqaluuserisassat sapinngisamik ataatsimiinnissaq sapaatip-akunneranik ataatsimik sioqqutsilluni ilaasortanut tamanut nassiussuunneqassapput.

Imk. 4. Eqimattaq attaveqarfik peqqussumik qulaani taaneqartumik malinnilluni pilersinneqartoq oqartussaaffiit peqataatitaqartut suleqataaneri eqqarsaatigalugit **aalajangiisinnaatitaaffimmik** nammineq atortagassaminik tunineqarsinnaangilaq.

§ 7. Eqimattami ilaasortaq ataaseq ataatsimiinnermi peqataasinnaassanngikkuni nammineq suliaqarfimmunit sinniisumik ataatsimik ataatsimiinnermi nammineq sinnerluni peqataasoqarnissaanik qulakkeerinnittussaataaffectarpoq.

§ 8. Inuit paasissutissartaannik suliaqarnermut inatsit Kalaallit Nunaanni atuuttoq aallaavigalugu eqimattami inuit ataasiakkaat paasissutissartaannik avitseqatigiilluni suliarinnittoqartassaaq.

Imk. 2. Inuit paasissutissartaannik avitseqatigiittoqarsinnaavoq inatsimmi § 8 innersuussutigalugu, tamannali eqimattami suliamik suliaqarnissamut pisariaqartitsivinneq tunngavigalugu pisassaaq.

§ 9. Eqimattami ilaasortat inuit ataasiakkaat namminneq inuunerini pissutsit pillugit ilisimalersimasatik pillugit eqimattap ataatsimeeqatigiinnerani peqataasutuulli nipangiussisimasussaataaffectarput.

Imk. 2. Nipangiussisimasussaataanerli eqimattami ilaasortat namminneq ingerlatsinissaannut paasissutissat attuumassuteqartut akunnartoortitsissanngilaq.

Imk. 3. Nipangiussisimasussaataanermik unioqqutitsinerit Kalaallit Nunaanni pinerlittaalisitsinermit inatsimmi ilaapput, immikkoortoq siulleq, kapitel 11, §§ 50-54-mi allassimallutik.

§ 10. Eqimattap ataatsimiiffissani nammineq piffissalersorlugillu sumiiffissalersussavai, taamaattorli qaammatit tamaasa minnerpaamik ataasiarluni ataatsimiittoqartassaaq. Qanorluunniit akulikitsigisumik ataatsimiinnissamik pisariaqartitsisoqartillugu aamma ataatsimiittoqartassaaq.

INATSIT TOQQAMMAVIGINEQARTOQ:

Inatsit tunngavigineqartoq : inatsisartut peqqussutaat nr. 14, 1. november 1982-meersoq

INASSUTEQAAT 04-09-2018

Oqaasertaliussat misissoqqissaarneqareerunik atuutsilernissaannut Kommunalbestyrels-imut akuerisassanngorlugu ingerlateqqinneqassasoq

AALAJANGERNEQ ATAATSIMIITITALIAQ INUIT 04-09-2018

Kommunalbestyrelse-mut naqissusigassanngortinneqarnera oqaasertaliussat ilanngullugit ingerlateqqinneqarnissaa akuersissutigineqarpoq.

INASSUTEQAAT:

Ataatsimiititaliap INUIT aamma ataatsimiititaliaq INUA-ata Kommunalbestyrelsimut inassuteqaatingaa:

- Kommunalbestyrelse-mut naqissusigassanngortinneqarnera oqaasertaliussat ilanngullugit ingerlateqqinneqarnissaa akuersissutigineqassasoq

AALAJANGERNEQ



Suliap normua	18-031	Ilanng. normua		Journal nr.	70.03.15
Eqqartugaq	Aasianni bussinik ingerlatsineq				

UTEQQIINEQ:

Kommunalbestyrelsimi ilaasortaq Peter Olsen ulloq 10. Januar 2018 Aasianni busseqalernissaa siunertaralungu aningaasaliisoqarnissaanik siunnersuuteqarpoq. Kommunalbestyrelsimi peqataasunit Aasianni bussinik ingerlatsinermik pilersitsinissamik kissaatit oqaatigineqareerput. Kommuninut allanut bussinik ingerlatsineq pillugu paasissutissanik piniartoqarpoq tamannalu tunngavigalugu Aasianni bussinik ingerlatsisoqarnissaanik suliariumannittussarsiuussineq kommunip namminerisamik busiutileqatigiiffianit aaqqiissutaaguni pitsaanerpaajussasoq naliliisoqarpoq. Kissaat taanna tunuliaqutaralugu bussinik ingerlatseriaaseq taanna malillugu sulineq ingerlateqqinneqassaaq.

SULIAP SAQQUMMIUNNEQARNERA:

Ataatsimiititaliap INUA-ata Aasianni busiutileqatigiinnik pilersitsisoqarnissaa, Kommune Qeqertalik-mit pilersinneqartumik, suliniartoqassasoq upernassaq 24. Maj 2018 inuussutissarsiornermut missingersuutinullu iusmasioqatigiinnermut eqqartugassanngorlugu inassuteqaataa kinguneqartin-neqanngimmat, aalajagiiffisassanngorteqinneqarpoq.

Kommune Qeqertalik taanna tunuliaqutaralugu Qeqqata Kommunua- nut aamma Kommuneqarfik Sermersooq-mut saaffiginnippoq, saaffiginninnermi busiunik ingerlatsinermut misilittagaat tusarniarneqarput aamma Aasianni bussinik ingerlatsinermut periuseq sorleq pitsaanerunersoq ujartorneqarpoq.

Kommuninit marlunnit taakkunannga akissutit utertinneqarnerisa kingorna Kommune Qeqertalik-mi bussinik ingerlatseriaaseq pitsaanerpaaq tassaassasoq kiffartuussinermik taassuminnga suliariumannittussarsiuussinissaq, taamaalilluni namminersortut arlallit bussinik ingerlatsinissaminnut periarfissaqalissapput.

ANINGAASATIGUT KINGUNISSAI:

Bussinik ingerlatsinermut Kommune Qeqertalik arlalinnut tapiissuteqarsinnaassasoq naliliisoqarpoq. Kommunip qanoq pitsaatigisumik kiffartuussisoqarnissaanik kissaateqarnera tapiissutit aningaasartaasa amerlassusilernissaannut apeqqutaasussaassaaq aamma ilaasut ilaat akeqanngitsumik ilaasorineqarsinnaaneri kommunip piumasarinnaavaa. (Kommuneqarfik Sermersooq-mi meeqqat atuarianni atuartut busiutileqatigiiffimmit akiliunneqartarput). Suliariumannittussarsiuussinermi atortut suliarineqarnerinut 75.000 - 150.000 koruunit atorneqartussaassapput.

INATSIT TUNNGAVIGINEQARTOQ:**INASSUTEQAAT:**

Ataatsimiititaliap INUA-miit Inassutigineqarpoq:

- Bussinik ingerlatsinermik suliaq nangillugu namminersortunit piginneqatigiiffimmit tunngaveqarluni ingerlateqqinneqassasoq aningaasaqarnermut ataatsimiititaliap akuerissagaa inassutaavoq aamma suliariumannittussarsiuussinermi atortut suliarineqareerunik nassiussutinnginnerminni INUA-nit akuerisassanngorlugit nassiunneqassasut inassutaalluni.

ILANNGUSSAT:

- Ilanngussaq 31-01: Aasianni Illoqarfimmi busseqalernissaanut Peter Olsen-ip siunnersutaa

AALAJANGERNEQ INUA 28.09.2018:

Inassuteqaat akuerineqarpoq. Nuup bussii kiisalu Sisimiuni bussinut ingerlatsineq ilanngullugit misissuiffigineqassapput

AALAJANGERNEQ KOMMUNALBESTYRELSI 28.09.2018

Ataats. nr. 05/18 -28/09/2018		Kommunalbestyrelsi AH		Qupp. 10 / 25	
Suliap nr.	18-032	Ilanng. nr.		Journal nr.	27.04.00
Oqaluuserisaq	Aasianni ikuallaaviup pittanngorsarneqarnissaa				

EQIKKAANEQ:

Aasianni ikuallaaviup pitsanngorsarneqarnissaa Namminersorlutik Oqartussat akuersissutiginiuuua. Pitsanngorsarnerani mingutsitsineq annikillisinneqassooq, ingerlatsitsinerlu pitsanngorsarneqarluni.

SULIAP SULIARINEQARNERA:

Aasianni ikuallaavik pitsanngorsarnissaanut suliniutit ingerlanikuusimapput. Taassuma kingunerisimavaa Namminersorlutik Oqartussat tapiinissaminut akuersissuteqarsimallutik. Akuersissut piviusunngortinneqas-sappat Kommune Qeqertalimmi kommunalbestyrelse aningaasanik immikkoortitsisariaqassooq.

Ikuallaaviup pittanngorsarneqarnerani Europami gassit ulorianartunut killigitinneqarfii qanillatorneqas-sapput. Taakku gassit paasisat kingullit naapertorlugit meeqqat eqqarsartaasaannut ulorianaateqarput.

Pitsanngorsaatissat ukuupput:

1. Ikuallaaviup nalilersornera aamma kedel-ip piusinnaanerata killiffia
2. Aqunneqarnerani allanngortiterisinnaanermilu misissuinerit
3. Eqqakkanik aggueqqissasinnanermut tunngasumik suliaqarneq
4. Gassip salinnissaanut pitsanngorsaatiniq suliaqarneq
5. Ikuallaaviup allilerneqarnissaanut suliaqarneq

Qulaani taakkartorneqartut suliareqqinneqarnissaminut piareersimapput, suliaqartussarlu suliakkerneqar-nissaminut piareersimalluni.

INATSISITIGUT TUNNGAVIUSOQ:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Inatsisartut aningaasanut inatsisaat 2018

KINGUNISSAI:

Ikuallaavik pitsanngorsarneqarpat eqqakkat suliarineqartartut mingutsitsinnginnerusumik suliarineqartalissapput. Ingerlatsinerlu pitsaaningorluni, eqqakkat agguataartarneri annertusineqarpata.

ANINGAASATIGUT KINGUNISSAI:

Kommunalbestyrelse kr. 2.325.000 akuersissutiguniuk, Namminersorlutik Oqartussat kr. 5.700.000 aningaasaliissutingissuaat tassunga suliassamut. Taakku aningaasaliissutaasussat Ikaarsaariarnermi ataatsimiititaliaanik immikkoortitaasa kr. 10.000.000 iluani aaneqarsinnaapput.

SULIAMIK SULIARINNINEQ:

Kommunalbestyrelse

INASSUTEQAAT:

Ataatsimiititaliaq INOQARFIK-up ataatsimiititaliaq INUA-atalu Kommunalbestyrelsi siunnersorpaa

- Ilisimatitsissutit ilanngussallit akuerineqarnissaat.

ILANNGUSSAT:

Ilanngussaq 32-01: Namminersorlutik Oqartussat aningaasaliissutissatut akuersissutingisaat

AALAJANGERNEQ:

[Empty rectangular box for content]

Suliap nr.	18-033	Ilanng. nr.		Journal nr.	06.01.03
Oqaluuserisaq	Sanaartukkat ingerlareertut aningaasartaasa akuersissutiginerari				

EQIKKAANEQ:

Sanaartukkani missingersuineri kr. 10.000.000 sanaartungassanut ingerlasunut immikkoortinneqarnikuupput. Taakkulu iluani aamma inatsisit naapertorlugit kommunip akisussaaffii ilannguneqarnikuullutik. Sanaartorfimmilu 2018-imi aningaasaliissutit angummassinnaangittut nalunaarsorneqarnikuullutik.

SULIAP SULIARINEQARNERA:

Sanaartukkat ingerlasut nalunaarsorneqarnikuupput, suliassallu piffissaq pilersarusiornermi atorneqarnikuunera peqqutigalugu aningaasartai killilimmik atorneqartussaeneri missingersorneqarnikuulluni.

Ukioq 2018 aallartimmat suliassat aningasaliissutiginerarsimasut amerlanerpaat pilersaarutitaqarnikuunngillat. Tamanna malitseqarsimavoq suliassat pilersarusiorneri. Paasissutissat pilersarusiornermi inoqarfikkaartumik katersorneqarsimapput, suliakkiutigisinnaangorlungillu suliarineqarlutik.

Inatsisit kommunip malitassai tassuunattaaq takkussuunnikuupput, tassa suliassat suliarineqarnissaannut aqutissiuussissat. Taakkualu innersuussamat ilannguneqarnikuupput, uani pineqarput eqqakkanut sularinninnermi pilersaarut taavalu anartarfiit imaannik aamma imermik errortuivikumik eqqaanermi pilersaarut.

Ataatsimiititaliaq INUA Ataatsimiititaliamut INOQARFIMMUT suliakkiinikuuvoq inissiat pilersarusiornissai, taakkulu missinersuutai aamma ilannguneqarput.

Ikerasaarsummi eqqaavissuup ajorluinnartumik inissisimanagera toqqammavigalugu, nunalu tamakkerlugu eqqakkanut pilersaarut siunniunneqarnikoq naapertorlugu, eqqakkanut suliareqqiinissamat tunngatillugu illorsuarmik atorsinnaasumik misissuisoqarnikuuvoq. Tamanna eqqakkanik poortuisinnaanissamat periarfissiisooq, eqqaaviullu nunaqarfiup qeqqaniikkunnaarnissaanik aqutissiuussissalluni.

Kommune Qeqertalimmi ingerlassutit annertuumik amingaatigineqarput. Ingerlassutit taakku inoqarfinni innuttaasunik sullissinnermi inoqarfingissaanissamilu pittanngorsaasussaapput. Ingerlatsinerlu pittaanerumik ingerlanneqarsinnaangorlungu.

Qulaani taakkartorneqartut tamarmik aningaasartalinngorlutik ilanngussami takuneqarsinnaapput.

INATSISITIGUT TUNNGAVIUSOQ:

Soqanngilaq.

KINGUNISSAI:

Sanaartornermut aningasaliissutit atorneqartussat ersarinnerusumik inissinneqassapput, suliassallu siunisami ingerlateqqittussatut innersuussassat ersarinnerulissallutik.

ANINGAASATIGUT KINGUNISSAI:

Sanaartornermut aningasaliissutiginerartut piffissaq pilersarusiornermut atorneqarnikuunera peqqutigalugu aningasaliissutit aaqqissoqqinneqarnissaannut pisariaqassooq. Tassa aningasaliissutit ukioq 2018 killilimmik atorneqarsinnaammata.

SULIAMIK SULIARINNINNEQ:

Kommunalbestyrelse

INASSUTEQAAT:

Ataatsimiitsitaliaq INOQARFIK-up ataatsimiititaliaq INUA-atalu Kommunalbestyrelsi siunnersorpaa

- Ilisimatitsissutit ilanngussallit akuerineqarnissaat.

ILANNGUSSAT:

Ilanngussaq 33-01: Kommune Qeqertalimmi biilit amingaatingineqartut

Ilanngussaq 33-02: Sanaartukkat killifiat

Ilanngussaq 33-03: Suliakkiissutit nutaatut innersuunneqartut

AALAJANGERNEQ:

Suliap normua	18-034	Ilanng. normua		Journal nr.	32.00
Eqqartugaq	Kommune Qeqertalik-mi inissiatileqatigiiffik.				

UTEQQIINEQ:

Kommunalbestyrelsimi ilaasortat inissiat allaffissornikkut aqunneqarneri kommunimut uterteqqinneqassasut kissaatigalugu oqariartuuteqarput, tamannalu A/S INI-mik naammagisimaarinnginnermik aallaaveqarluni.

Kommune Qeqertalik-up kommunit A/S INI-p inissiat allaffissornikkut aqutsineranik utertitsillutik misilittagallit paasiniaaffigai.

Kommune Qeqertalik-mi inissiat allaffissornikkut aqutsiveqarfimmik massakkut peqartoqangilaq.

Inissianik siunissami aqutseriaaseq piginnaasaqaleriartorfigineqarsinnaavoq kingornalu Kommune Qeqertalik-mit tiguneqartussanngorlugu siunnersuutigineqarsinnaassalluni.

SULIAP SAQQUMMIUNNEQARNERA:

Ikaarsaariarnermut ataatsimiitaliap siorna ataatsimiikkami 28. November 2017 inassuteqaatigaa, A/S INI-p inissianik allaffissornikkut aqutsinera Kommune Qeqertalik-mut utertinneqassasooq, piginneqatigiiffinngorluguluunniit.

Taanna aallaavigalugu Kommune Qeqertalik Kommuneqarfik Sermersooq-mut uuminnga suleqatigiissuteqartoqarsinnaanersoq paasiniaalluni saaffiginnippoq. Kommuneqarfik Sermersooq-p piginneqatigiiffiutaa ISERIT ukiuni arlalinni pioreerpoq taamaattumik inissianik allaffissornikkut aqutsineq ilisimasaqarfingaaatsialereerpaa aamma Kommuneqarfik Sermersooq-miit ilisimatitsissutigineqarpoq inissiat allaffissornikkut aqunneqarnerata kommunimut utertinneqarnera arlalitsigut pitsaaqutinik kinguneqarsimasooq. Suliaq una kommunip nammineq sulisuinit suliarineqarsinnaanngilaq tamanna pingaaruteqarmat malugeqquneqarpoq, taamaattorli kommunip piginneqatigiiffianit suliarineqarsinnaassaaq siunissarlu ungasinnerusoq eqqarsaatigalugu arlalitsigut pitsaaqutitaqartussaassalluni.

Kommunip massakkut inissisimanagera eqqarsaatigalugu inissiat allaffissornikkut aqunneqarnerat suliariumannittussarsiuutissallugu pissusissamisoornerpaajussasooq naliliisoqarpoq, tassani suliariumannittussarsiuussinermi kommunimi sulisut piginnaasaanik pitsanngorsaanaissaq piumasaaqatinut allassimasunut ilaassasooq piumasaaqataassaaq, taamaalluni kommunip inissiat allaffissornikkut aqunneqarnerinik siunissami piginnaasaqalernissaa anguneqassasooq. Piginneqatigiiffik Kommune Qeqertalik-mit pigineqartoq siunissasooq ungasinnerusoq eqqarsaatigalugu iluaqutaassasooq.

ANINGAASATIGUT KINGUNISSAI:

Suliariumannittussarsiuussinermut atortussat 75.000-100.000 koruunit missaaniissagatinneqarput, taakkualu massakkut aningaasaliissutit iluini akilerneqarsinnaapput.

Suleqatigiinnissamik isumaqatigiissut nutaaq kommunimi sulisut piginnaasaannik pitsanngorsaatalik massakkut isumaqatigiissutaasumit akisunerussasooq naliliisoqarpoq. Suliassat kommunimit tiguneqarnissaasa tungaannut ukiumoortumik aningaasartuutit 200 – 300.000 koruunit missaanissagatinneqarput. Piginneqatigiiffimmik pilersitsilluni nammineq inissiatinik allaffissornikkut aqutsineq siunissasooq ungasinnerusoq eqqarsaatigalugu kommunimut iluaqutissartaqangaatsiassasooq naliliisoqarpoq; kommunip nutaanik sanaartornissaanut aningaasaliissuteqartoqarsinnaalissasooq kiisalu aningaasartuutit allassimasut sinningaatsiarlugit iluarsartuussisoqartalissalluni.

INATSIT TUNNGAVIGINEQARTOQ:

Soqanngilaq

INASSUTEQAAT:

Ataatsimiititaliaq INUA-ata Kommunalbestyrelsimut inassuteqaatigaa:

- Aningaasaqarnermut ataatsimiititaliap inissianik allaffissornikkut aqutsinermik suliaq suliariumannittussarsiuunneqartussanngorlugu nassiunneqassasoq akuerissagaa inassutigneqarpoq, taamatut suliariumannittussarsiuussinermi Kommune Qeqertalik-mi sulisut piginnaasaannik pitsanngorsaannissaq allassimassasoq piumasaqaataassaaq.

ILANNGUSSAT:

Soqanngilaq

AALAJANGERNEQ:

Suliap nr.	18-035	Ilanng. nr.		Journal nr.	32.02
Oqaluuserisaq	Inigisamut akiliut				

EQIKKAANEQ:

Kommunip illuutani ukiorpaalunngorput inigisamut akiliutaasartut nalimmassartarneqarsimangitsut. Inigisanut aningaasatigut ingerlatsinermi pitsaavallaanngilaq tassa aningaasartuutit aserfallatsaalinermut inigisamullu akiliutinut naapertukkunnaarsimapput, taamaalilluni inigisat aserfallassimasunut iluarsaaniarnissamut aningaasat atugassat annikippallaalersimallutik.

Taamaammat piffissanngorsimavoq inigisamut akiliutaasartup qaffannissaa taamalilluni imminnut naapertuuttumik ataavartumik pitsanngorsaattissanik sillimmateqarnissaq anguneqarsinnaanias-sammat.

Aningaasanik pisariaqartitatsinnik nassaanngikkutta kingunerissavaa aningaasat atorfissaqartitagut amingaatigilernissaat, naggataatigullu uvatsinnut akiisoorujussuannugussaaq iluarsaassinissarput.

SULIAP SULIARINEQARNERA:

Ukiut arlalinngorput inigisamut akiliutaasartut nalimmassarneqartarsimangitsut kommunimi, Kangaatsiami nalimmassaasoqarsimavoq kingullermi 2010-imi 4,54 %, Aasianni 2013-imi 3 % kiisalu Qasigiannuani 2,1 % Qeqertarsuarmilu 4,46 % 2010-imi. Aningaasartuutit tamassuma nalaani aserfallatsaaliinernut sanaartornerinullu qaffassimallutik, taamaalilluni inissiaqarfinni annikinnerusumik aningaasartuutit annikinnerusimallutik.

akiligassanik nalimmassaasoqarsimanginnera aserfallattaaliinernut aningaasat atorneqartussat immikkoortortaqarfinnut kommune tapiisariaqartarsimavoq, aningaasartuutissat matussuserniarlugit.

Inissiaaleqatigiiffik Ini A/S kommunillu akornanni ingerlatsinissamut isumaqatigiissutaat malillugu 2019-mut missigersusuaq ilanngunneqarpoq. Tassanilu takuneqarsinnaavoq nalimmassaanissaq anguniarlugu 2 % -imik akilutit qaffanneqarnissaat, taannalu naapertuuttut taasariaqarpoq, ukiuni 5-8 nalimmassaasoqarsimanginnera aallaavigalugu.

ANINGAASATIGUT KINGUNERISINNAASAI:

Siunnersuut akuerineqassappat 2 % qaffaasinnaaneq kingunerissavaa kommunip aningaasartuutissai katillugit 1.611.978 kr. akuerineqassanngikkaluarpas tamanna 2.234.834 kr. naleqassaaq

INASSUTEQAAT

Ataatsimiititaliaq INUA-ata Kommunalbestyrelsimut inassuteqaatingaa:

- Kommunalbestyrelsip siunnersuut akuerissagaa siunnersuutigineqartut malillugit missigersuutillu ilanngussat ilanngullugit.

ILANNGUSSAT:

Ilanngussaq 35-01: Kommune Qeqertalimmut missigersuutissatut siunnersuut

Ilanngussaq 35-02: Missigersuutit 2019 imm. 09-288

Ilanngussaq 35-03: Missigersuutit 2019 imm. 10-290

Ilanngussaq 35-04: Missigersuutit 2019 imm. 14-346

Ilanngussaq 35-05: Missigersuutit 2019 imm. 10-291

Ilanngussaq 35-06: Missigersuutit 2019 imm. 511-315

AALAJANGERNEQ:

--

Suliap normua	18-036	Ilanng. nr.		Journal nr.	00.06.03
Oqaluserisag	Najukkami ataatsimiititaliat				

EQIKKAANEQ:

Kommune Qeqertalik-mi politikikkut toqqammaviusumik, Inuit Ataqtigiit kiisalu Siumut isumaqatigiissutaanni, suliniutit anguniakkallu pingaarnersiukkani anguniangassatut ilaavoq, Sumiiffinni siunnersuisooqatigiit pilersinneqassasut kingusinnerpaamik 2019-mi. Tamannalu toqqamma-vingalugu matumuuna najukkani ataatsimiititalianik taallugit, pilersitsinissamut tunngavissanik suleriesissanillu sanasoqarpoq. Taannalu aamma inatsisitigut Kommunip aqunneqarnerat pillugu inatsisartut inatsisaannik 2017-meersumik toqqammaveqarpoq.

SULIAP SAQQUMMIUNNEQARNERA:

Najukkami ataatsimiititaliat pilersinneqarneranut tunngavigineqarpoq, illoqarfinni innuttaasut tamat oqartussaaqaataanerat atorlugu oqalliffeqalersinnaaniassammata isummersorfissaqaler-lutillu. Soorlutaaq nunaqarfinni innuttaasut taamatut periarfissinneqartut, nunaqarfinni aqutsisut aqutigalugit.

Kommune Qeqertalik maangamut suli isummernikuunngilaq, najukkami ataatsimiititaliat qanoq katitingaassanersut, kiisalu qanoq sulerieseqassanersut. Ileqqoreqqusat marluusut sananeqarput, Kommunalbestyrelsi aaliangiisussanngorlugu najukkami ataatsimiititaliat qanoq pilersinneqarnis-saat pillugu. Taakkulu ileqqoreqqusat marluusut assigiinngittut ilanngussami 48-01 aamma 48-02-milu takuneqarsinnaapput.

Najukkami ataatsimiititaliat suleriesissaat nunaqarfimmi aqutsisut suleriesaannut assingusoq sananeqarpoq. Taannalu qularnaarisussaavoq najukkami ataatsimiititaliat torersumik isumannaatsumillu suleriarnissaannut qularnaarisussaq.

Ileqqoreqqusaq suleriesissarlu naammassineqareersimallutik kommunalbestyrelsi ataatsimiippat 28. September 2018 naqissuserlugit akuerisassanngorlugit ingerlateqqinneqassapput. Taassumalu kingorna najukkami ataatsimiititalianik pilersitsisoqarsinnaalissaaq.

Ileqqoreqqusani siunnersuutigineqartuni assigiinngissutsit immikkut malunginiangassaapput kap. 2, Najukkami ataatsimiititaliat katitingaanerannut tunngasoq. Kiisalu ataatsimiititaliap aningaasanik aqutaqassanguni annertussusissaa aaliangingassanngortinneqarpoq. Taakkuuppullu Kommune Qeqertalik-mi kommunalbestyrelsimut aaliangingassanngungassat.

Najukkami ataatsimiititaliani ilaasortat akissaasersorneqarnissaat Kommunalbestyrelsimut aaliangerneqartussaavoq. Annerpaamilli akissarsiaqartsitsisoqassappat akissarsiat annerpaamik tunniunneqarsinnaapput Borgmesterip akissaasersorneqarnerata 1/12-erarterutaa. Najukkami ataatsimiititaliat akissaasersorneqarnissaanut missingersuutit Ataatsimiititaliaq INUA ataatsimiilerpat 18. September sukumiinerusumik saqqummiunneqassapput, aalajangiiffigisassanngorlugit.

ANINGAASATIGUT KINGUNISSAI:

Aningaasatigut kingunissai aaliangersakkat akuerineqareerpata, ataatsimiititaliaq INUA ataatsimiilerpat ulloq 18. September saqqummiunneqassapput.

INATSISITIGUT TUNNGAVIUSOQ:

- Kommunit aqunneqarnerat pillugu Inatsisartut inatsisaat nr. 29, 17. November 2017-imeersoq, kap 4, § 32.
- Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissaqartitsineq pillugu Namminersorlutik Oqartussat nalunaarutaat nr. 25, 30. December 2013-imeersoq.

INASSUTEQAAT:

Ataatsimiititaliaq INUA-mut inassuteqaatigineqarput:

- Ileqqoreqqusaq A imaluunniit B toqqarneqassasoq
- Aningaasanik aqutaqarnissamut annertussusiliisoqassasoq
- Suleriusissaq akuerineqassasoq
- Ataatsimiititaliaq INUA ataatsimiilerpat 18. September suliaq nanginneqassasoq, qinersinissamullu taasinissamulluunniit ulluliisoqassasoq.

ILANNGUSSAT:

- Ilanngussaq 36-01: Najukkami ataatsimiititalianut ileqqoreqqusaq A
- Ilanngussaq 36-02: Najukkami ataatsimiititalianut ileqqoreqqusaq B
- Ilanngussaq 36-03: Najukkami ataatsimiititalianut Suleriuseq
- Ilanngussaq 36-04: Aningaasaliinissamut missingersuusat

AALAJANGERNEQ ATAATSIMIITITALIAQ INUA 28.08.2018:

Inassuteqaatigineqartuni aaliangiunneqarput:

- Ataatsimiititaliaq INUA 18. September ataatsimiilerpat sukumiinerusumik isummerfigineqassasoq aaliangiunneqarpoq.
- Aningaasatigut kingunerisinnaasai saqqummiunneqassapput.
- Sumiiffinni ataatsimiititaliat Kommuneqarfik Sermersuumi soq NUUK pilersitsisimanginnersoq paasiniarneqassaaq.

Ataatsimiititaliaq INUA ataatsimiikkami 18.08.2018 aalajangernera tunngavingalugu aningaasatigut kingunissai arlariinngorlugit naattorsorneqarput. Naattorsuinermi Kommunit allat paasinaaffingineqarput, Qeqqata Kommuniam kisiat pinnagu, taakku sulii pilersitsinngimmata. Kommunillu allat aningaasaleeriaasiat assingalugu siunnersuutit aallaaveqartinneqarput. Kiisalu najukkani ataatsimiititaliami ilaasortassat aningaasarsiaqartinneqassappata aningaasarsiarisinnaasaannut tunngasut naattorsorneqarput. Taakkulu ilanngussani 48-04 takuneqarsinnaapput.

Sumiiffinni ataatsimiititaliap Kommuneqarfik Sermersuumi soq Nuuk najukkami ataatsimiititaliaqannginnersoq paasiniangassanngortinneqarneranut, ilisimatitsissutigineqassaaq ulluni makkunani Kommuneqarfik Sermersuup Nuummi pilersitsiniaallutik suliaq aallartimmassuk.

INASSUTEQAAT 18.09.2018:

Ataatsimiititaliaq INUA-nut, kommunalbestyrelsimut ingerlateqqitassanngorlugit inassutigineqarput:

- Ileqqoreqqusaq A imaluunniit B toqqarneqassasoq
- Suleriusissaq akuerineqassasoq
- Aningaasat aqutassatut siunnersuut C aammalu ilaasortassanut akissaasersuinissamut siunnersuut 3 toqqarneqassasut.
- qinersinissamullu taasinissamulluunniit ulluliisoqassasoq.

AALAJANGERNEQ 18.09.2018


Ataatsimiititaliaq INUA aaliangerpoq:

- Ileqqoreqqusaq B atorineqassasoq
- Suleriusissaq akuerineqarpoq
- Aningaasaqarnermi aqutassani B toqqarneqarpoq, kiisalu akissaasersuinissamut 3 toqqarneqarpoq, taakkulu aningaasaliissutit B iluani tinguneqassapput.
- 23. Oktober 2018 qinersinissaq siunniunneqarpoq

INASSUTEQAAT KOMMUNALBESTYRELSI 28-09-2018:

Ataatsimiitaliaq INUA-ata ulloq 18-09-2018 ataatsimiikkami akuerisai uku, Kommunalbestyrelsimut akuerisassatut inassuteqaatigineqarput:

- Ileqqoreqqusami qiningassani A aamma B-mi B toqqarneqassasoq
- Suleriusissaq akuerineqassasoq
- Aningaasaqarnermi aqutassani B toqqarneqassasoq, kiisalu akissaasersuinissamut 3 toqqarneqassasoq, taakkulu aningaasaliissutissat toqqarneqartup B iluani tinguneqassasut
- 23. Oktober Qinersineq ingerlanneqassasoq

AALAJANGERNEQ KOMMUNALBESTYRELSI 28-09-2018

Sag nr.	18-037	Bilag nr.		Journal nr.	00.05
Oqaluuserisag	Domsmand-inik toqqaaneq Eqqartuussisoqarfik Qaasuitsup 2018-2021				

EQIKKAANEQ:

Eqqartuussisarnermi inatsimmi § 35, imm. 2 naapertorlugu, Eqqartuussisoqarfinni domsmandit Kommunalbestyrelsemit toqqaarneqartarput, Kalaallit Nunaanni Eqqartuussivimmi eqqartuussisup inassuteqarnera naapertorlugu.

SULIAP SULIARINEQARNERA:

Eqqartuussivinni domsmandit ukiut sisamakkaarlugit toqqaarneqartarput, 1. Januar aallarnerfigalugu.

Taamaattumik Eqqartuussivinni domsmandit piffissamut 2018-2021, Kommunalbestyrelsimit toqqaarneqassapput.

Suliassaq ataatsimiitaliani ataavartuni sularineqarnikuunngilaq, Kommunlabestyrelsimilli aaliangerneqassaaq.

INATSISITIGUT TUNNGAVIUSOQ:

Kalaallit Nunaanni Eqqartuussisarnermi Inatsit nr. 305, 30. april 2008-meersoq.

KINGUNISSAI:

Domsmanditut toqqaarneqarnermi avatangiisinut, sulisutut imaluunniit allanik akornutissaqanngilaq.

ANINGAASATIGUT KINGUNISSAI:

Soqanngilaq.

INASSUTEQAAT:

Ataatsimiitaliap INUA-ata inassuteqaatingaa:

- Kalaallit Nunaanni Eqqartuussivimmi eqqartuussisumit, domsmanditut toqqaarneqartut, Kommunalbestyrelsimut akuereqqullugit.

ILANNGUSSAT:

- 37-01 Kalaallit Nunaanni Eqqartuussivimmi eqqartuussisumit allakkat 28. juni 2018-imeersut.

AALAJANGERNEQ:

Suliap nr.	18-038	Ilanng. nr.		Journal nr.	06.02
Oqaluuserisaq	Imigassallernissamik qinnuteqaat				

EQIKKAANEQ:

Blue Café, M.P Porsildip aqputaa B-395, 3953 Qeqertarsuaq v/Nivi Olsen, imigassanik aalakoornartortalinnik assigiinngitsunik tamanik tuniniaanissamut akuersissummik qinnuteqarpoq.

Inatsit nutaaq 1. marts 2018-imeersoq naapertorlugu piumasaqaatit annertusipput, taamaattumik suliassap tiguneraniit suliassap naammassinissaanut piffissaq annertoq atorneqartalerpoq, tusarniaanerit assigiinngitsut peqqaartussaeneri pissutigalugu.

SULIAP SULIARINEQARNERA:

Piginnittoq imigassallernissamut politikimik tunniussivoq aamma akisussaassuseqarluni saassaallernissaq siunertaralugu Certifikat naammassillugu misilitsissimalluni.

Inatsit nutaaq naapertorlugu Kalaallit Nunaanni politeeqarfik, inunnik isumaginnittoqarfimmi meeqqanik-inuusuttuaqqanillu sullissisut aamma pitsaaliuinerimik sullissisumit imigassallersinnaanermut qinnuteqaammut tusarniarneqarnerminnit oqaaseqaammik tunniussipput.

INATSISITIGUT TUNNGAVIUSOQ:

Inatsisartut inatsisaat nr. 35, 23. november 2017-imeersoq §3 aamma §5.

ANINGAASATIGUT KINGUNISSAI:

Soqanngilaq.

INASSUTEQAAT:

Imigassallersinnaanermut qinnuteqaammut tusarniaavigineqartunit tamanit qinnuteqaat taparserneqarlunilu immikkut oqaaseqaatissartaqanngimmat kiisalu piumasaqaatinik naammassinnimmat Sullissivik Qeqertarsuaq-mit qinnuteqaatip akuersissutigineqarnissaa inassutigineqarpoq.

ILANNGUSSAT:

- Ilanngussaq 38-01 Piginnittumit qinnuteqaat
- Ilanngussaq 38-02 Piginnittup sulisuusussap Certifikat imigassallersinnaanermut akuersissutaa
- Ilanngussaq 38-03 Piginnittup imigassamik sassaallernissamut politikkilaa
- Ilanngussaq 38-04 Kalaallit Nunaata politiivinit oqaaseqaat
- Ilanngussaq 38-05 Inunnik isumaginnittoqarfimmi meeqqanik- inuusuttuaqqanillu sullissisunit pitsaaliuinerimik sullissisumit oqaaseqaatit

AALAJANGERNEQ:

--

ILISIMATITISSUTIT**Ilisimatitsissutit**

Suliap nr.	Ilisimatitsissut	1	
Oqaluuserisag	2018-ip affaanut siullermut naatsorsuutit malittareqqinneqarnerat aammattaaq Qaasuitsumi ukiup naatsorsuiffiup inaarneqarnera		

Qaasuitsumut ukiup naatsorsuiffiup inaarnissaanut pilersaarut kingulleq takussutissiatut ilanngunneqarpoq. Ukiup naatsorsuiffiusup inaarnissaanut pilersaarummi takuneqarsinnaasutut naatsorsuutitut allattuineq aatsaat 30. juli matuneqassaaq, aatsaallu tamatuma kingorna paasinarsissaaq kommunitoqqap inernerana inaarutaasoq qanoq isikkoqassanersoq.

Maannakkumut tunngatillugu oqaatigisinnaasoq tassaavoq naatsorsuutit inernerat tassaamat -52,5 mio. kr. naatsorsuutigineqarsimagaluartunut (oktober 2017-imi) 12,4 mio. kr.-nut naleqqiullugu. Naatsorsuutini inaarutaasuni aggstip naalernerani saqqummersussani nikingassut itisilerneqarlunilu oqaaseqaateqarfigineqassaaq.

ILANNGUSSAT:

- Ilanngussaq 1-1 Naatsorsuutitut killiffik

Suliap nr.	Ilisimatitsissut	2	
Oqaluuserisag	Avatangiisit innarlitsaaliorneqarnissaanik Inatsisartut inatsisaata allanngortinneqarnissaanut tusarniut		

Pinngortitamut Avatangiisinillu Naalackersuisoqarfimmiit, Avatangiisit innarlitsaaliorneqarnissaanik inatsisartut inatsisaata allanngortinneqarnissaa pillugu Inatsisartut inatsisissaattut siunnersuutip tusarniutigineqarnera ullulerneqarsimasoq 11-06-2018 Kommune Qeqertalik-mi tinguneqarpoq. Tusarniaanerlu killilerneqarsimasoq 04-07-2018 Kommune Qeqertalimmiit akissuteqarfigineqarpoq. Akissutigineqartorlu ilanngussami 1-4-mi takuneqarsinnaavoq.

ILANNGUSSAT:

- Ilanngussaq 2-1 Tusarniut
- Ilanngussaq 2-2 Avatangiisit innarlitsaaliorneqarnissaanik Inatsisartut inatsisaata allanngortinneqarnissaa pillugu inatsisartut inatsisaat nr. xx
- Ilanngussaq 2-3 Siunnersuummut nassuiaatit
- Ilanngussaq 2-4 Kommune Qeqertalimmiit akissut

Suliap nr.	Ilisimatitsissut	3	
Oqaluuserisag	Namminersornerullutik Oqartussat Kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu, Inatsisartut peqqussutaasa allangortinnissaanut tusarniut		

Ineqarnermut Attaveqaqatigiinnermullu Naalakkersuisoqarfimmiit, Namminersorlutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata, Inatsisartut inatsisissaattut allangortinneqarnissaanut siunnersuut pillugu tusarniaaneq ullulerneqarsimasoq 11-06-2018, Kommune Qeqertalimmi tinguneqarpoq. Tusarniaanerlu killilerneqarsimasoq 06-07-2018 Kommune Qeqertalimmiit akissuteqarfigineqarpoq. Akissutigineqartorlu ilanngusaq 2-4-mi takuneqarsinnaavoq.

ILANNGUSSAT:

- Ilanngussaq 3-1 Tusarniut
- Ilanngussaq 3-2 Namminersornerullutik Oqartussat Kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu, Inatsisartut peqqussutaasa allangortinnissaanut tusarniut
- Ilanngussaq 3-3 Siunnersuummut nassuiaatit
- Ilanngussaq 3-4 Kommune Qeqertalimmiit akissut

Suliap nr.	Ilisimatitsissut	4	
Oqaluuserisag	Kommune Qeqertalik-mi siunnersuisooqatigiit immikkullu suliaqartitaallutik qinikkat		

Kommune Qeqertalimmi illoqarfinni nunaqarfinnilu siunnersuisooqatigiinnik immikkullu suliaqartitaallutik qinikkanik ingerlanneqartunik misissuisoqarmat, paasisat ima inissipput:

Aasiaat

- Erhvervsråd uninnikuuvoq
- Aalisarnermut piniarnermullu siunnersuisooqatigiit aallartinneqanngillat
- Utoqqaat kiisalu innarluutillit siunnersuisooqatigiivi ingerlanngikkallarput.

Qasigiannugit

- Aalisarnermut siunnersuisooqatigiit ingerlapput. Kommunalbestyrelsi sinnerlugu ilaasortaavoq Jess Svane

Qeqertarsuaq

- Utoqqaat siunnersuisooqatigiivi ingerlanikuusimasut unissimapput
- Innarluutillit siunnersuisooqatigiivi ingerlanikuusimasut unissimapput
- Inuussutissarsiornermi siunnersuisooqatigiit ingerlanikuusimasut unissimapput

Kangaatsiaq

- Ingerlasoqanngilaq

Suliap nr.	Ilisimatitsissut	5	
Oqaluuserisaq	Qeqertarsuarmi umimmaliisoqarnissaanut misissuisoqarnissaanut killiffimmik ilisimatitsineq		

Kommune Qeqertalik-mi kommunalbestyrelsi ataatsimiikkami ulloq 31. Maj 2018, oqaluuserisami 18-028-mi Qeqertarsuup nunataani umimmaliisinnaanermut periarfissat misissorneqarnissaanik Jess Svane-meersoq siunnersuut, oqaluuserivaat aalajangiiffingalugulu misissorneqassasoq. Ilanngussamilu takuneqarsinnaavoq suliamut killiffimmik nalunaarut.

ILANNGUSSAT:

- Ilanngussaq 5-1 INOQARFIK-miit Killiffimmik nalunaarut

Suliap nr.	Ilisimatitsissut	6	
Oqaluuserisaq	Naatsorsuutit/missigersuutit August naaneranut 2018		

Oqaaseqaatit:

Naatsorsuutit / missigersuutit 1. Januar 2018 ilanngunearput. Oqaaseqaatit konto-nut ataasiakkaanut ilanngunearput.

Ilanngussat:

Ilanngussaq 6-01: Naatsorsuutit 31. August, ukiumullu tamakkerlugit misigersuutit sanilliullugit August ilanngullugu.

Suliap nr.	Ilisimatitsissut	7	
Oqaluuserisaq	Naatsorsuutit Qaasuitsup kommunea ikaarsaariarnermullu ataatsmiittaliaq 2017		

Oqaaseqaatit:

Naatsorsuutit /ukiumullu nalunaarusiaq Qaasuitsup kommune-ani kiisalu ikaarsariarnermut ataatsimiitsitaliamut upernaarli naammassineqartussaagaluartut september-imilu akuerineqartussatut suli naammassineqarsimanngilaq. Kinguaatsoorneq arlalinnik peqquteqarpoq.

Suliap naammassinissaa:

Kommune Qeqertalik aamma Avannaata kommunea isumaqatigiissimapput Avannaata kommuneata naatsorsuutit suliarissagai, kiisalu uvagut kommune Qeqertalimmi kisitsisit paasissutissat eqqortueneri qulakkiissallugit.

Kommune Qeqertalik naatsorsuutuugallartunik tigusaqarsimavoq kiisalu nassuiaatit naatsorsuutit pillugit, taakkulu oqaaseqaasiorlugit kiisalu aaqqiissutissanik siunnersuusiortarsimavugut nassiullugillu.

Massakkullugu utaqqineqarput aappasaanik naatsorsuutit pillugit nalunaarusiaq taannalu naammasseriarpit ataatsimiittaliaq INUA-mut kiisalu kommunalbestyrelsimut akuerisassanngorlugit saqqummiunneqarumaarput.

Tassa suli amingaateqalaarpugut tamarmik naammassinissaat eqqarsaatigalugu.

ATAATSIMIINNEQ NAAVOQ:**ATSIORFISSAQ:**

Hansen, Ane

Olsen, Peter

Sørensen, Hector Lennert

Samuelsen, Aqqa

Aronsen, Hans

Petersen, Thomas

Kristensen, Niels

Svane, Jess

Sandgreen, Enok

Mølgaard, Timooq

Jeremiassen, Otto

Jeremiassen, Kristian

Jeremiassen, Nikkulaat

Broberg, Kristian

Kristensen, Naja
